



## REGLUGERÐ UM ÍSLANDSMÓT Í HOLUKEPPNI Í UNGLINGAFLOKKUM

### 1. kafli

#### 1. gr.

GSÍ gengst árlega fyrir Íslandsmóti í holukeppni í unglingaflokkum.

#### 2. gr.

Stjórn GSÍ skal auglýsa mótið og hafa yfirumsjón með framkvæmd þess. Stjórn GSÍ skal skipa menn í mótsstjórn í samráði við klúbbinn þar sem mótið fer fram a.m.k. einum mánuði fyrir mótið. Stjórn GSÍ skal skipa a.m.k. einn dómara á hvern keppnisvöll. Viðkomandi klúbbur skal leggja dómurum og mótsstjórn til golfbíla, talstöðvar eða önnur fjarskiptatæki og sjá um kostnað vegna mótsstjórnar og dómara. Skipaður dómari þarf að hafa landsdómararéttindi. Framkvæmd mótsins skal vera í samræmi við lágmarkskröfur í viðauka I.

#### 3. gr.

Stjórn GSÍ ákveður þátttökugjöld sem renna til klúbbsins þar sem mótið fer fram.

GSÍ á allan rétt gagnvart ljósvakamiðlun frá Íslandsmóti. Klúbburinn þar sem mótið fer fram skal útvega fjölmiðlum viðeigandi aðstöðu í klúbbhúsi. Stjórn GSÍ hefur rétt til að kynna samstarfsaðila sína á þeim golfvöllum sem Íslandsmót fer fram, í formi skilta, með fánum eða öðrum þeim hætti sem stjórn GSÍ ákveður. Þá skal merki GSÍ ávallt koma fram á öllu því efni sem útgefið er í sambandi við Íslandsmót og jafnframt vörumerki þeirra aðila sem eru samstarfsaðilar GSÍ að mótinu.

#### 4. gr.

Þátttakendur skulu tilkynna um þátttöku a.m.k. 10 dögum fyrir fyrsta mótsdag (t.d. í síðasta lagi kl. 23:59 á þriðjudegi í vikunni fyrir mót ef mótið hefst á föstudegi). Mótsstjórn getur þó heimilað þátttöku berist tilkynning síðar, enda hafi hámarksfjölda þátttakenda ekki verið náð.

#### 5. gr.

Almennir keppnis-kilmálar og almennar staðarreglur, sem stjórn GSÍ setur, skulu gilda í mótinu. Mótsstjórn getur þó auglýst viðbætur og frávik ef þörf krefur. Jafnframt skal hún hafa eftirlit með merkingum vallar og holustaðsetningum og getur ákveðið breytingar. Þá getur mótsstjórn ákveðið að fresta umferð eða umferðum vegna veðurs. Staðarreglur og keppnis-kilmálar skulu



vera fyrir hendi þegar á fyrsta æfingadegi.

Öll notkun tóbaks, þ.m.t. munntóbaks er bönnuð í klúbbhúsum og á keppnisvelli.

6. gr.

Þáttökugjöld skulu greidd við skráningu. Þáttökugjald fæst einungis endurgreitt séu forföll boðuð eigi síðar en kl. 18:00, þremur dögum fyrir fyrsta keppnisdag.

## 2. kafli

7 gr.

Keppt skal í eftirtöldum flokkum . Aldur miðast við almanaksár.

Stelpnaflokkur 14 ára og yngri

Telpnaflokkur 15-16 ára

Stúlknaflokkur 17-18 ára

Stúlknaflokkur 19-21 árs

Strákaflokkur 14 ára og yngri

Drengjaflokkur 15-16 ára

Piltaflokkur 17-18 ára

Piltaflokkur 19-21 árs

Þáttökurétt öðlast erlendir kylfingar ekki fyrr en eftir a.m.k. þrjú ára samfellda búsetu héraðs. Mótsstjórn er heimilt að takmarka rétt til þáttöku við forgjöf. Ákvörðun um hámarksforgjöf og teiga skal kynnt í keppnisskilmálum. Einnig er mótsstjórn heimilt að sameina flokka ef þátttakendur í flokki eru færri en 4.

Þáttökurétt í hverjum flokki hafa, í þessari röð:

1. Sextán stigahæstu leikmenn á stigamótaröð unglunga þegar skráningarfrestur rennur út. Séu leikmenn jafnir í sæti á stigamótaröðinni telst sá ofar sem náð hefur efra sæti á öðrum stigamótum ársins. Séu leikmenn þá enn jafnir ræður hlutkesti.
2. Aðrir leikmenn með stig á stigamótaröð unglunga þegar skráningarfrestur rennur út. Röð ákvarðast af sætum á stigamótaröðinni. Séu leikmenn jafnir í sæti á stigamótaröðinni telst sá ofar sem náð hefur efra sæti á öðrum stigamótum ársins. Séu leikmenn þá enn



jafnir ræður hlutkesti.

3. Aðrir leikmenn sem uppfylla þáttökuskilyrði. Röð ákvarðast af forgjöf kl. 8:00 morguninn eftir að skráningarfresti lýkur. Standi val á milli leikmanna með sömu forgjöf skal hlutkesti ráða.

Óheimilt er að hafa fleiri en þrjá í hverjum ráshóp.

#### 8. gr.

Skylt er að keppnisvöllur sé opinn til æfinga fyrir skráða keppendur í minnst 2 daga fyrir mót. Heimilt er mótsstjórn að takmarka æfingu við eina umferð og skipuleggja rástíma ef með þarf.

#### 9. gr.

Leikin er útsláttarkeppni án forgjafar:

1. umferð: 16 manna holukeppni
2. umferð: 8 manna holukeppni þeirra sem áfram komast
3. umferð: Undanúrslit, 4 manna holukeppni þeirra sem áfram komast
4. umferð: Úrslit, leikur um 3. sæti og úrslitaleikur

Röðun leikmanna í 16 manna úrslitum er samkvæmt skráningarröð þátttakenda í 7. grein. Stigahæsti leikmaður á stigamótaröð unglunga leikur við þann stigalægsta (eða leikmanninn með hæstu forgjöf kl. 8:00 morguninn eftir að skráningarfresti lýkur ef teknir eru inn leikmenn án stiga á stigamótaröðinni), leikmaðurinn með næst flest stiga á stigamótaröð unglunga leikur við þann næst stigalægsta (eða leikmanninn með næst hæstu forgjöf kl. 8:00 morguninn eftir að skráningarfresti lýkur ef teknir eru inn leikmenn án stiga á stigamótaröðinni) o.s.frv.

Ef keppendur í tilteknum flokki eru 8 eða færri er 16 manna úrslitum sleppt og keppendur fara beint í 8 manna úrslit, með sambærilegri röðun og lýst er varðandi 16 manna úrslit.

#### 10 gr.

Mótsstjórn ákveður rástíma og leikröð keppenda og skal hún kynnt ekki síðar en á fyrsta æfingadegi.

Röðun keppenda í leiki og á rástíma fer eftir þeim almennu reglum sem fram koma í viðauka II, keppnisskilmálar í Golfreglunum.

#### 11 gr.

Hljóti keppandi frávísunarvíti í einhverri umferð keppinnar tekur vítið einungis til viðkomandi umferðar, nema mótsstjórn ákveði annað.



12. gr.

Sigurvegarar hljóta titlana Íslandsmeistarar í viðkomandi flokki í holukeppni.

13. gr.

Að öðru leyti gilda móta- og keppendareglur GSÍ.

*Pannig samþykkt af stjórn GSÍ 12. apríl 2021.*



## VIÐAUKI I

### Kröfur um framkvæmd og umgjörð

Eftirfarandi lágmarkskröfur eru gerðar til mótsstjórnar um framkvæmd og umgjörð mótsins.

#### 1. Fánar

Á mótsstað skal flagga a.m.k. íslenska fánanum, fána klúbbsins þar sem mótið fer fram og fána GSÍ. Auk þess skal flagga fánum þátttökuklúbba, ef slíkir fánar eru tiltækir.

#### 2. Ræsing

Fulltrúi mótsstjórnar skal sjá um ræsingu allra ráshópa. Ræsir skal m.a. tryggja að réttir leikmenn séu ræstir út í hverjum ráshópi / hverri viðureign.

#### 3. Móttaka skorkorta

Í höggleik skal vera til staðar afmörkuð aðstaða fyrir leikmenn til að yfirfara og skila skorkortum. Starfsmaður mótsstjórnar skal vera til staðar og aðstoða leikmenn. Starfsmaðurinn skal m.a. bera skor leikmanna undir þá og tryggja að engu sé ábótavant í útfyllingu skors og undirritun skorkorta.



## VIÐAUKI II

### Röðun í 16 manna úrslitum

Leikur	Röð leikmanns inn í mótið skv. 7. grein	Röð leikmanns inn í mótið skv. 7. grein
1	1	16
2	2	15
3	3	14
4	4	13
5	5	12
6	6	11
7	7	10
8	8	9

Ef þátttakendur eru átta eða færri er 16 manna úrslitum sleppt og keppni hefst með 8 manna úrslitum. Ef þátttakendur eru 9-15 sitja efstu keppendur í röð skráningarröð skv. 7. grein í 16 manna úrslitum. T.d. ef keppendur eru 13 sitja þátttakendur númer 1-3 í skráningarröð skv. 7. grein yfir (þar sem þeir áttu að keppa við þátttakendur í sætum 14-16).

### Röðun í 8 manna úrslitum

Leikur	Sigurvegari í leik í 16 manna úrslitum	Sigurvegari í leik í 16 manna úrslitum
1	1	8
2	2	7
3	3	6
4	4	5

### Röðun í undanúrslitum

Leikur	Sigurvegari í leik í 8 manna úrslitum	Sigurvegari í leik í 8 manna úrslitum
1	1	4
2	2	3